

BOSNA I HERCEGOVINA

Pomorsko društvo u Bosni i Hercegovini

Isabega Ishakovića 8 /Prote Bakovića 8/ 71000 Sarajevo, kontakt: info@bhmore.ba

Tematska konferencija - održana u Sarajevu 14.11.2019. godine

„Problem proglašenog suvereniteta Republike Hrvatske na pomorskoj teritoriji Bosne i Hercegovine“

ZAKLJUČCI KONFERENCIJE

1. Ratifikacija ugovora o državnoj granici i utvrđivanje granične linije (demarkacija) između Bosne i Hercegovine i Republike Hrvatske, te Bosne i Hercegovine i Republike Srbije su ključna osnovna za dugotrajni mir i stabilnosti u regionu, te samostalnost, nezavisnot i suverenost Bosne i Hercegovine, neophodnih na njenom putu za brži društveni i ekonomski razvoj, te evropske integracije.
2. Za sve provedene aktivnosti i pregovore u duhu mirnog rješavanja, u vezi ratifikacije ugovora o državnoj granici i utvrđivanju granične linije, koji krivicom druge strane, ni nakon više od petnaest godina nisu dali konačnost graničnih linija između Bosne i Hercegovine i drugih, nadležna državna tijela Bosne i Hercegovine moraju iskoristiti sve raspoložive međunarodne prakse i međunarodne mehanizme za mirno rješavanje sporova, a u skladu s Konvencijom Ujedinjenih nacija o pravu mora iz 1982.
3. Vijeće ministara Bosne i Hercegovine da uspostavi granični prijelaz na moru.
4. Otpočeti pregovore s Republikom Hrvatskom u vezi s utvrđivanjem i pravnim režimom pristupnog koridora Bosne i Hercegovine prema otvorenom moru.
5. Predsjedništvo Bosne i Hercegovine da usvoji izjavu o izboru postupaka za rješavanje sporova o tumačenju ili primjeni UN Konvencije o pravu mora, a u skladu s čl. 287. Konvencije.
6. Neophodno vršiti lobiranje u cilju zaštite interesa Bosne i Hercegovine ili odblokirati poduzimanje koraka protiv Republike Hrvatske i staviti interes Bosne i Hercegovine i njezinih građana u fokus.
7. Parlamentarna skupština Bosne i Hercegovine da usvoji Zakon o moru Bosne i Hercegovine i ostale propise s ciljem zaštite pomorskog područja Bosne i Hercegovine.
8. Izgraditi cestovnu i željezničku infrastrukturu primorskog područja Bosne i Hercegovine, povezivanjem sa autocestom i željeznicom na Koridoru Vc, te razvijati pomorstvo Bosne i Hercegovine, prevashodno za putnički promet.
9. Integrisati primorsko područje Bosne i Hercegovine u ekonmskom i društvenom smislu, a naročito oblast turizma, sa unutrašnjim područjem Hercegovine i Bosne i Hercegovine u cjelini.
10. Da se propisima zabrani bilo kakvo onečišćenje u ovom dijelu Jadranskog mora, što podrazumijeva zabranu zagađenja za brodove, tj. zabranu izbacivanja, izljevanja ili ispuštanja otpada, predmeta ili materija koje mogu ugroziti živote i zdravlje ljudi, zagađiti okoliš i ugroziti sigurnost plovidbe, a u skladu s Barcelonskom konvencijom iz 1976, odnosno 1995.
11. Donijeti odgovarajuću zakonsku regulativu i uspostaviti mjernu stanicu u Neumskom zaljevu i vršiti kontinuirani monitoring kvaliteta vode.
12. Da se dio Jadranskog obalnog mora u Bosni i Hercegovini zaštiti u svakom pogledu, vodeći računa o održivom razvoju i sigurnosti u interesu države i njenih građana.
13. Zaključke dostaviti svim prisutnim i pozvanim organizacijama, institucijama i pojedincima.

Stručni tim Pomorskog društva
za formulaciju zaključaka